

IV CERTAME DE GALETIKTOKERS 2023

BASES

PRIMEIRA.- OBXECTIVOS

O certame pretende estimular a creatividade entre a mocidade, animar a creación de vídeos en galego con novos formatos e temáticas e darlle visibilidade á comunidade galega de tiktokers.

SEGUNDA.- PERSOAS DESTINATARIAS

Mozas e mozos a partir de 13 anos.

TERCEIRA.- CATEGORÍAS

O certame divídese en dúas categorías e a adscrición a cada unha delas dependerá da idade das persoas participantes.

- **Primeira categoría:** mozas e mozos de 13 a 16 anos (ambas as dúas idades incluídas).
- **Segunda categoría:** mozas e mozos a partir de 17 anos.

CUARTA: PREMIOS

O certame establece **seis premios de 300 €**.

- **Dous premios do público:** o vídeo con máis “gústame” no perfil de Instagram [@xuventudeames](https://www.instagram.com/xuventudeames) en cada unha das categorías.
- **Catro premios do xurado:** os dous vídeos mellor valorados polo xurado en cada unha das categorías.

Os premios daranse a coñecer nunha **gala en novembro de 2023**.

QUINTA.- CARACTERÍSTICAS E CONDICIÓNS DOS VÍDEOS

- Os vídeos teñen que estar **en lingua galega** e deben ser de creación propia a través da aplicación TikTok ou dos reels de Instagram. **Será obrigatorio que a lingua teña presenza.** Esta presenza da lingua poderá ser **oral, escrita ou musical**.
- A **temática é totalmente libre** e terán cabida, por exemplo, pezas audiovisuais relacionadas coa música, o humor, o baile, a interpretación, os efectos especiais, o deporte, etc.
- A duración dos vídeos estará comprendida **entre 15 e 60 segundos**.
- Non se admitirán vídeos que promovan unha mensaxe violenta, denigrante ou ofensiva.

SEXTA.- PRAZO DE INSCRICIÓN E PROCEDEMENTO

IV CERTAME DE GALETIKTOKERS 2023

O prazo de inscrición comeza ao día seguinte da publicación destas bases no BOP da Coruña e remata o **23 de outubro de 2023**.

Para participar no certame **solicítase un formulario de inscrición no correo** galetiktokers23@gmail.com e devolverse cuberto e asinado xunto co vídeo.

Todas as pezas admitidas subiranse ao Instagram de Xuventude Ames XA! (@xuventudeames) co cancelo [#galetiktokers](https://www.instagram.com/xuventudeames).

SÉTIMA.- PREMIO DO PÚBLICO

Requisitos para votar: ser **seguidor/a** do Instagram de **Xuventude Ames XA!**

A **votación** do premio do público realizarase **a través dos reels** publicados no perfil @xuventudeames.

Prazo para votar: Das 11.00 h do 25 de outubro ás 11.00 h do 27 de outubro **(2 días)**.

OITAVA.- XURADO E CRITERIOS DE VALORACIÓN

O xurado estará formado por persoas recoñecidas no ámbito audiovisual e nas redes sociais, que valorarán o atractivo das pezas no seu conxunto, tanto na forma como no contido, tendo en conta aspectos como a **orixinalidade**, a **creatividade**, a **claridade** e a **calidade lingüística**.

NOVENA.- FASE FINAL

Publicaranse todos os vídeos admitidos a concurso, así como o seu título e autoría. Os datos persoais facilitados polas persoas participantes terán como única finalidade a participación no certame e procederase á súa eliminación unha vez se resolva esta convocatoria.

O Concello de Ames reserva o dereito de empregar os vídeos participantes na promoción do proxecto [Galetiktokers](#) en calquera das súas edicións.

A participación neste certame implica a completa aceptación das bases e das decisións do xurado designado.

PRAZOS:

Inscrición e envío dos vídeos: ata o **23 de outubro** de 2023

Votación do público (gústame): do **25 ao 27 de outubro** nos reels do perfil de Instagram de Xuventude Ames XA!. Para poder votar será necesario ser seguidor/a do Instagram de Xuventude Ames XA! **O prazo de votación abrírase e pecharase ás 11.00 h dos días indicados.**

Gala de Premios Galetiktokers: **10 de novembro** de 2023